

## **Служба священномученикам Александру Пospelову и Иакову Гусеву, пресвитерам (26 декабря н.ст.)**

### **На Господи, возвах: стихирь, глас 1.**

Прехвальнии священномученицы Александре и Иакове,/ вас ни  
темница изнурила есте,/ ни глад уморил, ни озлобления и раны смятоса,/  
во еже разлучити вас от любви Божия/ и благодарованныя паствы./ Темже  
Христу, святии, молитесь/ даровати Церкви нашей// мир и велию милость.

Всехвальнии священномученицы Александре и Иакове,/ от братьей по  
плоти страдания до крове претерпеваея,/ в себе помышляли есте,/ яко  
Господа ради умерщвляеми есмы/ и несть наша брань противу плоти и  
крови,/ но к миродержителю тьмы века сего./ Темже Христу, святии,  
молитесь,// даровати земли нашей мир и велию милость.

Преславнии священномученицы Александре и Иакове,/ вы жертву  
безкровную первее благоговейне совершая,/ послежде, яко всеплодие,/  
себе самих в жертву живую принесли есте,/ моля, да простится грех  
богоборчества народа нашего./ И ныне Христу, святии, молитесь/  
даровати людем российским// мир и велию милость.

### **Слава, глас тойже:**

Церкве Российския славо/ и Отечества нашего украшения,/  
священномученицы Александре и Иакове,/ властью, от Бога вам данною,/  
ругатели безбожныя обличали есте,/ и, яко волки лютыя, от стада вашего  
отгнали есте/ и диавола посрамили есте,/ кровь же ваша, яко Авелева,/ от  
земли наша вопиет немолчно./ Сего ради ходатаи на Небеси о нас вернии  
будете// и молитесь спасти души наши.

И ныне, Богородичен: Всемирную славу:

Вход. Прокимен дне. И чтения три.

### **Деяний святых апостол чтение (глава 4):**

Во дни оны, глаголющим же апостолом к людем,/ найдоса на них  
священники и воевода церковный, и саддукеи,/ жалеюще си, за еже учити  
им люди и возвещати о Иисусе воскресение мертвых;/ и возложиса на

них рѹки и положиша их в соблюденіе до ѹтрія:/ бе бо вѣчер уже./ Мнѡзи же от слышавших слово вѣроваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиерѣю, и Каиафе, и Иоанну, и Александру,/ и елицы бѣша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Дѹха Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасѣся,/ разумно буди всем вам и всем людем Израилевым,/ яко во имя Иисуса Христа Назорея,/ Егѡже вы распясте,/ Егѡже Бог воскреси от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главѹ ѹгла,/ и несть ни о едином же ином спасения:/ несть бо иного имени под небесем, даннаго в человецех,/ о немже подобает спастися нам.

#### **Деяний святых апостол чтѣние (глава 4):**

Во дни оны, видяще иудѣи Петрово дерзновение и Иоанново и разумѣвше,/ яко человека неknижна еста и проста, дивляхуся,/ знаху же их, яко со Иисусом бѣста;/ видяще же исцелѣвшаго человека с ними стояща,/ ничтоже имяху противу рещи./ Повелѣвше же има вон из сонмища изыти,/ стязахуся ко друг другу, глаголюще:/ что сотворим человека сима?/ Яко ѹбо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострѣтся в людех,/ прещением да запретим има кому не глаголати о имени сем ни единому от человек./ И призавше их,/ заповѣдаша има отнюдь не провещавати, ниже учити о имени Иисусове./ Петр же и Иоанн, отвѣщавше к ним, рѣста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Онѣ же, призапрѣщше има, пустиша я,/ ничтоже обрѣтше, како мучити их, людей ради,/ яко вси прославляху Бога о бывшем:/ лет бо бѣше множае четыредесяти человек той,/ на немже бысть чѹдо сие исцеления.

#### **Деяний святых апостол чтение (глава 4):**

Во дни оны, отпущена бывша апостола приидоста ко своим и возвестиста,/ елика к нима архиереи и старцы реша./ Он же, слышавше, единодушно воздвигоша глас к Богу и рекоша:/ Владыко, Ты, Боже, сотворивый небо и землю и море и вся, яже в них,/ Иже усты Давида, отрока Твоего, рече:/ вскую шаташася языцы и людие поучишася тщетным?/ Предсташа царие земстии,/ и князи собрашася вкупе на Господа и на Христа Его./ Сбращася бо воистину во граде сем на святого Отрока Твоего Иисуса,/ Егоже помазал еси,/ Ирод же и Понтийский Пилат, с языки и людьми израилевыми,/ сотворити, елика рука Твоя и совет Твой предначерче быти./ И ныне, Господи, призри на прещения их/ и даждь рабом Твоим со всяким дерзновением глаголати слово Твое,/ внегда руку Твою прострети Ти во исцеления,/ и знамением и чудесем бывати именем святым Отрока Твоего Иисуса./ И помолившимся им, подвижеся место, идеже бяху собрани,/ и исполнишася вси Духа Свята,/ и глаголаху слово Божие со дерзновением.

#### **На стиховне стихиры, глас 6:**

Столпи непоколебимии Русския Церкви были есте,/ гонения люта претерпевая,/ день и ночь в молитве подвизались есте,/ священномученицы Александре и Иакове,/ огнем ревности и духом кротости/ паству вашу ко Христу путеводя,// тем вас любовью почитаем.

**Стих: Священники Твоя облекутся в правду// и преподобнии Твой возрадуются.**

Вернии Богу и Церкви были есте даже до смерти,/ священномученицы славнии,/ ныне же, с лики новомученик и исповедников Российских/ предстоя Христу Царю,/ молитесь с ними прилежно// даровати нам мир и велию милость.

**Стих: Честна пред Господом// смерть преподобных Его.**

Душевная и телесная страдания ваша/ и смерть за Господа вольная от безбожных/ отверзоша вам, святии Александре и Иакове,/ врата жизни

вѣчныя/ и укрѣпиша брѣтий ваших исповѣдати Христа./ Тѣмже Емѹ  
молятся прѣсно,// да утвердѣтся Православие на Русѣ во вѣки.

#### **Слава, глас 4:**

Ангели страданіем вашим дивляхуся,/ и Цѣрковь Небѣсная радостно  
вас прѣят,/ достохвальнии Александре и Иакове,/ Ныне же, священней  
руце ваши/ к Престолу Святѣя Троицы простирая,/ поминайте зѣмлю  
Русскую,/ юже возлюбѣли есте,// моля о спасеніи славящих вас  
благочестно.

#### **И ныне, Богородичен, глас тойже:**

Прѣзри на молѣния Твоѣх раб, Всенепорѣчная,/ и всякія скорби  
избави зѣмлю Русскую,/ дом Твой наречѣнную/ и кровью новомученик  
освященную./ Да не постыдимся, Владычице Державная,/ Ты  
призывающии,/ Ты бо еси православных помощь,/ радость и покров// и  
спасеніе душ наших.

#### **Тропарь, глас 3:**

Цѣркве Русскія столпы непоколебимии,/ благочестія правило,/   
житія евангельскаго образы,/ священномученицы Александре и  
Иакове,/ Христа ради пострадавшии даже до крове,/ Егѣже молитѣ  
усердно,/ яко Начальника и Совершителя спасенія,/ Русь Святѹю  
утвердѣти в Православии// до скончания вѣка.

### **НА УТРЕНИ**

#### **По стихословіи седален, глас 6:**

Сквозѣ огонь мученія, яко свидѣтелие вѣрнии, прошли есте,/   
блаженнии Александре и Иакове,/ сего ради с лики святѣх землі Русскія/  
в Небѣсном Отѣчествѣ торжествуете./ Помозѣте и нам быти вѣрными  
Христу и спастися душам нашим.

#### **Слава, и ныне, Богородичен:**

О Всепѣтая Дѣво,/ Ты вѣмы Покров землі Русскія,/ Тебѣ бо, грѣшнии,  
имамы предстательство,/ Тебѣ стяжѣхом в напѣстѣх спасеніе,/ Единѹ  
Всенепорѣчную.

Величание:

**Велича́ем вас,/ свяще́нномуче́ницы Алексе́ндре и Иако́ве,/ и чти́м  
че́стна́я страда́ния ваша,/ я́же за Христа́ во утве́ржде́ние на Руси́  
Правосла́вия// прете́рпи́ли есте.**

Псалом избранный:

1-й лик: Бог нам Прибе́жище и Си́ла, Помо́щник в скорбех, обрети́ших  
ны зело.

2-й лик: Го́споди, воздвигни си́лу Твою́ и прииди́, во е́же спасти́ ны.

1-й лик: Глаго́лах о свиде́ниях Твои́х пред ца́ри и не стыдя́хся.

**По полиеле́и седа́лен, глас 1:**

До́блии страда́льцы и служите́лие Та́ин Бо́жиих,/ свяще́нномуче́ницы  
Алекса́ндре и Иако́ве,/ Це́ркве Ру́сская похва́ло и утве́ржде́ние,/ ны́не,  
пра́здную́ще вашу па́мять,/ Бо́гу, просла́вльшему вас, благода́рственно  
вопи́ем:/ сла́ва Да́вшему вам кре́пость во страда́ниях,/ сла́ва Венча́вшему  
вы,/ сла́ва Спа́сая́щему нас ваши́ми моли́твами.

Сла́ва, и ны́не, Богоро́дичен:

Предста́тельница те́плая и Засту́пнице усер́дная,/ в го́ди́ну безбо́жия  
от коне́чныя поги́бели/ зе́млю Ру́сскую изба́вльшая всемо́щным  
хода́тайством к Сы́ну Твоему́,/ и ны́не не оста́ви нас моли́твами Твои́ми,  
Влады́чице Богоро́дице.

Степе́нна, 1-й антифо́н 4-го гла́са. **Прокі́мен, глас 4: Проидо́хом  
сквозе́ огнь и во́ду,/ и извёл еси́ ны в поко́й.** Стих: Разже́гл ны еси́,  
я́коже разжиза́ется сребро́. Вся́кое дыха́ние: Ева́нгелие от Матфе́я, зача́ло  
36.

Слава../ Моли́твами свяще́нномучеников Алексе́ндра и Иакова,/ Мило́стиве.... И ны́не/ моли́твами Богоро́дицы.. Помилуй...

По 50-м псалме́ стихи́ра, глас 6:

Егда́ попусти́ Госпо́дь по грехо́м на́шим/ братоуби́йство, гоне́ния и  
ве́ры Христо́вы пору́гание,/ вы, свяще́нномуче́ницы Алексе́ндре и

Иакове,/ Цѣркве Россійскія столпи непоколебѣмѣи явѣлися есте/ и, кровь свою за Христа пролиаи,/ паству во еди́нстве соблюли есте./ Ны́не же, на Небеси́ предстоа́ с ли́ки новомучеников,// моли́те спасти́ся душа́м на́шим.

## **Канон, глас 4.**

### **Песнь 1**

Ирмо́с: Мо́ря чермну́ю пучи́ну/ невла́жными стопа́ми/ дре́вний пешешествовав Изра́иль,/ крестообра́зными Моисе́овыми рука́ма// Амали́кову си́лу в пусты́ни победи́л есть.

### **Священномученицы Александре и Иакове, молитесь Бога о нас.**

Во́ли Бо́жией послушли́вы были,/ священства дар прия́ли есте, священномученицы Александре и Иакове,/ и, за Христа́ да́же до сме́рти пострада́ли,/ ве́рнии сынове Цѣркве явѣлися есте.

Изгна́ние и разлуче́ние с па́ствою вашею му́жественне претерпе́ли есте, священномученицы Александре и Иакове,/ но ничто́же возмо́же разлучи́ти вас от любве́ Бо́жия.

Безбо́язненно пропове́довали есте лю́дем пока́ние, священномученицы Александре и Иакове,/ да обратятъ сердца́ своа́ к Бо́гу/ и то́кмо на Него́ в ско́рбех и лишѣ́ниях упова́ние ѣмут.

Богоро́дичен: Ма́ти Бо́жия,/ дом Твой, Свята́я Русь, мо́лит Тя:/ изба́ви лю́ди Твоя́ от вся́кия ну́жды и ве́чнаго осужде́ния.

### **Песнь 3**

Ирмо́с: Весели́тся о Тебе́ Цѣрковь Твоя́, Христѣ́, зову́щи:/ Ты моя́ кре́пость, Го́споди,// и прибе́жище, и утвержде́ние.

Егда́ при́иде испытáние ве́ры ваша́, священномученицы Александре и Иакове,/ страда́ние за Христа́, я́ко благодáтный дар, прия́ли есте/ и кро́вию вашею Ру́сскую зѣмлю обагри́ли есте.

Егда́ при́иде гонѣ́ние от безбо́жных,/ столпи непоколебѣмѣи Ру́сскія Цѣркве явѣлися есте, священномученицы Александре и Иакове,/ святы́х,

яко ближних сродник, в помощь призывая,/ с нимиже купно ныне прославляетея.

Аще и умерщвлены были есте телом, священномученицы Александре и Иакове,/ обаче духом козни диавольския посрамили есте,/ имея Христа прибежище и утверждение.

Богородичен: Тя Предстательницу, Пречистая Деве, молим:/ преложи нашу печаль на радость и скорбилежащая избави, Заступнице наша.

### **Седален, глас 3:**

Заветы исповедников и священномучеников Христовых восприяша,/ души ваша за веру Православную положили есте, святии,/ еюже утверждается земля Русская./ Сего ради молитесь, священномученицы Александре и Иакове,/ любовью чтущим вас верными Христу до конца быти.

### **Слава, и ныне, Богородичен:**

Не имамы иного прибежища, разве Тебе, Богородице,/ Отчества нашего усердная Заступнице:/ всяк бо, почитая Тя, надежду обретает.

### **Песнь 4**

Ирмос: Вознесена Тя видевши Церковь на Кресте,/ Солнце Праведное,/ ста в чине своем,/ достойно взывающе:// слава силе Твоей, Господи.

Да не дерзают языцы рещи: где есть Бог ваш?/ Кровь бо новомучеников от земли нашея вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водные,/ сие вы, страстотерпцы Александре и Иакове, к живоносным страданием за Христа притекли есте,/ имиже присно священо обновляется лице земли Русския.

Вся земная ни во что вменили Христа ради,/ словом и житием, священномученицы Александре и Иакове, верных поучали есте:/ о Боже сотворим силу,/ и Той уничижит стужающих нам.

Богорóдичен: Стенá необорíмая и Покрóв всемо́щный Росси́йским  
новомóчеником явíлася есѣ, Пресвятáя Дéво,/ тѣмже Тя велича́ем.

### Песнь 5

Ирмо́с: Ты, Го́споди мой,/ Свет в мир пришѣл есѣ,/ Свет Святѣй,  
обращáяй из мра́чна неведѣния// вѣрою воспева́ющия Тя.

Яко лучи Со́лнца Пра́вды явѣлися есте, священномóченицы  
Александре и Иакове,/ и страда́ньми вашими мглу безбо́жия над  
Отѣчеством на́шим разсе́яли есте.

Егда́ безбо́жнии тща́хуся сокрѣ́ти вас в темни́це, священномóченицы  
Александре и Иакове,/ Госпо́дь явѣ вас исповѣ́дники Своя всем концѣм  
земли́ Ру́сския.

Ру́сския Цѣ́ркве свети́льницы свяще́ннии Александре и Иакове,/   
кровьмѣ́ мученическими неугасѣ́мо светя́ще и у Престо́ла Бо́жия  
предстоя́ще,/ моли́тесь о чту́щих вас.

Богорóдичен: Иже от Дéвы неизрече́нно рождѣ́йся, Го́споди,/ сохрани́  
моли́твами Ея́ Цѣ́рковь Твою́,/ Тебѣ сла́вящую правосла́вными гласы.

### Песнь 6

Ирмо́с: Пожру́ Ти со гласом хвалѣ́ния, Го́споди,/ Цѣ́рковь вопиѣ́т Ти,/   
от бесо́вския кро́ве очи́щшися/ ра́ди ми́лости от ребр Твои́х// истѣ́кшею  
Кро́вию.

Восприя́ша меч духо́вный, иже есть глаго́л Бо́жий,/ безбо́жных ко́зни  
сокруши́ли есте, священномóченицы Александре и Иакове,/ и вся  
разжѣ́нныя стрѣ́лы лука́ваго угаси́ли есте щито́м вѣры Правосла́вныя.

Во свяще́нницех благоче́стно пожѣ́вшие и мучѣ́ния путь терпели́во  
воспри́имшии,/ сугубую мзду на Небесѣ́х обрѣ́ли есте, священномóченицы  
Александре и Иакове,/ иде́же ева́нгельски прѣ́сно раду́етесь и весели́тесь.

Ничто́же возмо́же разлучи́ти вас, богопри́ятнии, от любве́ Христóвы:/   
ни скорбь, ни гонѣ́ние, ни смерть,/ вся бо сѣ́я сѣ́лою Возлю́бльшаго вас  
Го́спода препобеди́ли есте, священномóченицы.



Богорóдичен: Поём Тя, Предстáтельница тёплая и Застúпнице христиáн, Богорóдице Всепётая,/ я́ко со все́ми святы́ми земли́ Рýсския мо́лиши Сы́на Твоего́ и Бо́га на́шего/ обрести́ нам ве́лию ми́лость.

### Конда́к, глас 2:

Восхва́лим, ве́рнии, изря́дных во священни́цах/ и сла́вных в му́ченицах Алекса́ндра и Иа́кова,/ Правосла́вия побóрников и благоче́стия ревни́телей,/ земли́ Рýсския кра́сное прозябе́ние,/ и́же страда́нием Небесе́ дости́же/ и та́мо тёпле мо́лят Христа́ Бо́га// спасти́ся душáм на́шим.

### И́кос:

Красу́йся и лику́й, Це́рковь Рýсская,/ я́ко благопло́дная лозы священ́ных страда́льцев израсти́вшая,/ добропобéдным муче́нием серде́ц ве́рных укрепивших,/ за́поведи Господни испóлнивших и прѣсно ева́нгельски учивших:/ приидите, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в ге́енне./ Те́мже, священномуче́ницы Александре и Иа́кове, моли́те Христа́ Бо́га спасти́ся душáм на́шим.

### Песнь 7

Ирмо́с: В пе́щѣ авраа́мстии о́троцы перси́дстей,/ любóвию благоче́стия па́че,/ не́жели пла́менем, опаля́еми, взыва́ху:// благослове́н еси́ в хра́ме сла́вы Твоея́, Го́споди.

Я́ко три́е о́троцы, в пе́щѣ вавило́нстей пла́менем объ́ятии, моли́твою не сгара́ху,/ та́ко вы, священномуче́ницы Александре и Иа́кове, во огни́ муче́ний благода́тию ве́ру сохрани́ли есте./ Сего́ ра́ди ны́не с новомуче́ники Росси́йскими лику́ете:/ благослове́н еси́, Бо́же отце́в земли́ на́шей.

Я́коже дрéвле о́троцы, в пе́щѣ неопалёеми, златóму истукáну не поклонѣ́шася,/ та́ко же и вы, священномуче́ницы Александре и Иа́кове, огнём муче́ний неопалёеми,/ безбо́жие небо́язненно обли́чали есте, взыва́я с новомуче́ники Росси́йскими:/ благослове́н еси́, Бо́же отце́в земли́ на́шей.

Жѣртвы живые и всесожжѣние Творцѹ себѣ самих принося,  
священномученицы Александре и Иакове,/ с новомученики Россійскими  
воспѣвали есте:/ могущи, покарѣйтесь, яко с нами Бог отцѣв землѣ  
наша.

Богородичен: Яже паче ума и естества Бѣга рѣдши,  
Неискусомужная Маріе,/ чтущія Тя от враг вѣдимых и невѣдимых  
избави,/ Ты бо еси землѣ отцѣв наших Держава необорѣмая.

## Песнь 8

Ирмос: Руце распростѣр, Даниїл/ львов зїянїя в рѣве затчѣ;/  
огненную же силу угасиша,/ добродѣтелию препоясавшеся,/ благочестїя  
рачители ѡтроцы, взывающе:// благословите, вся дела Господня, Господа.

Землю Русскую, безбѣжными гонѣнии нещадно жегѣмую,/ слезами и  
кровьми вашими напоили есте, священномученицы Александре и  
Иакове,/ сего ради плоды вѣры, чада церковная, возрастили есте.

Злѣбы мучителей не убоѣлися есте,/ огнем любве Божественныя тѣя  
препобедив,/ темже благодать молѣтися о нас стяжали есте,  
священномученицы Александре и Иакове, достохвальнии.

Благословляя гонителей ваших, блаженнии Александре и Иакове,/  
усердно молилися есте за них,/ да покаются и купно с вѣрными брѣтиями  
благословят Господа.

Богородичен: Христа зрящи умерщвляема, Многопѣтая Владычица,/  
и видящи исполненіе Симеонова прореченїя, слезящи взываше:/  
благословен еси, Бѣже, во вѣки.

## Песнь 9

Ирмос: Камень нерукосѣчный/ от несекѣмыхъ горы, Тебѣ, Дѣво,/  
краеугольный отсечеса,/ Христѣс, совокупивый разстоящаяся естества.//  
Тем, веселящеся, Тя, Богородице, величаем.

Руками беззаконныхъ убиени,/ жѣртвы благоприятныя и вольное  
заколѣние Бѣгу принесли есте, свѣтчи Бѣжии Александре и Иакове,/ Тем  
благодарне память вашу почитаем.

Господь, исполняя смотрение Свое о Церкви Русстей,/ заступники вас, священномученицы Александре и Иакове, содела./ Темже молитесь Ему, во благочестии нам пребывать и спастись душам нашим.

О бездна благодати Божия!/ Дарова бо Бог возлюбленным Своим веры ради пострадать/ и вас, священномученицы Александре и Иакове,/ яко плоды краснии спасительнаго сения, избра от земли Русския.

Богородичен: Разорй советы вся, на ны вооруженныя, Мати Бога Вышняго,/ и радости исполни уповающия на Тя,/ да усердно вси Твое проповедуем заступление.

### **Светилен:**

Паству хлебом слова Божия насыщая/ и вином премудрости священные напоая,/ теплотою любви вашей дары сия растворили есте, священномученицы Александре и Иакове./ И ныне высоким проповеданием вещаете чадам Церкви Русския:/ приступите ко Господу, и просветитесь,/ и лица ваша не постыдятся.

### **Слава, и ныне, Богородичен:**

О Тебе мы хвалимся, Богородительнице,/ и к Богу Тя имамы Предстательство,/ прости руку Твою необоримую/ и сокруши враги Церкви Русския.

### **На хвалитех стихирь, глас 4.**

Дал еси знамение/ земли Русстей, Господи,/ священномученики, угодники Твоя, Иакова и Александра,/ яко да теми умолен бывая,/ отвратиши праведный Твой гнев,/ и не погибнет святая и боголюбивая Русь// предстательством новых страстотерпец.

Жертву хваления присно Господеви принося,/ священномученицы Александре и Иакове,/ в конец самих себе в жертву живу и святу,/ благоугодну и совершенну представили есте,/ темже вам верно вопиём:/ благоприятны сотворите молитвы наша// о благостоянии Церкви Русския.

Предстатели Церкви Русския,/ священномученицы Александре и Иакове, всехвальнии,/ выну зрите Лице Господа на Небесех,/ не презрите

ни еди́наго от ма́лых чад ея́,/ но ра́достно пока́ние на́ше приими́те/ и  
моли́те при́сно// сыновом Россі́йским спасти́ся.

### **Сла́ва, глас 8.**

О, пресла́внаго чудесе́!/ Яко крини посреде́ térния,/ в страда́ниях за  
Христа́ процвѣли есте,/ священномученицы Александре и Иакове,/ да не  
затми́тся в земли́ на́шей свет Правосла́вия/ во откровѣ́ние язы́ком и сла́ву  
наро́да Ру́сского./ И ны́не, в селѣ́ниях ра́йских пребыва́ете,/ неувяда́емо  
благоуха́ете// ве́ре вашей подража́ющим.

### **И ны́не, глас и подóбен то́йже:**

О, пресла́внаго чудесе́!/ Небесе́ и земли́ Цари́ца,/ от святы́х срóдников  
на́ших умоля́емая,/ до ны́не зѣмлю Ру́сскую покрыва́ет/ и ли́ка Своего́  
изображе́нии ми́лостивно обогаща́ет./ О Влады́чице Держа́вная!/ Не  
преста́ни и на бу́дущее вре́мя/ во утвержде́ние на Руси́ Правосла́вия//  
ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

## **НА ЛИТУРГІИ**

Блаже́нна от канона, пѣснь 3-я и 6-я.

Прокі́мен, глас 7: Честна́ пред Го́сподем// смерть преподо́бных Его́.  
Стих: Что возда́м Го́сподеви о всех, я́же воздаде́ ми?

Апо́стол к Ри́мляном, зача́ло 99.

Аллилу́ия, глас 2: Священни́цы Твой облеку́тся в пра́вду, и  
преподо́бнии Твой возра́дуются. Стих: Бог нам Прибе́жище и Си́ла,  
Помощни́к в ско́рбех, обрѣ́тших ны зело́.

Ева́нгелие от Луки́, зача́ло 106. Конѣ́ц: В терпе́нии ва́шем стяжи́те  
душа́ ва́ша.

Прича́стен: В па́мьть ве́чную бу́дет пра́ведник:

## Мо́лтва

О, избра́нницы и уго́дницы Христо́вы, священномученицы Александре и Иакове, Це́ркве Ру́сския столпи непоколебѣими, земли́ нашея благо́е прозябѣние и краси́ый плод, сродников ваших предста́тели и наста́вницы! Вы во вре́мя гонѣния безбо́жнаго от сокровищниц душ ваших спаси́тельное испове́дание Правосла́вныя ве́ры изне́сли есте, и лю́дем ве́рным па́стыри до́брии яви́лися есте, ду́ши ваша за Христа́ и Его́ о́вцы полага́я и лю́тыя во́лки далѣче отгоня́я. Ны́не у́бо при́зрите на нас, недостойных чад ваших, умилѣнною душе́ю и сокруше́нным се́рдцем вас призыва́ющих. Умо́лите Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́те нас в ве́ре святѣй, научи́те нас всегда́ твори́ти во́лю Бо́жию и храни́ти за́поведи церко́вныя. Бۇдете па́стырем на́шим пра́вило ве́ры, вои́ном вожди духо́внии, боля́щим врачѣ изря́днии, печа́льным утѣшителие, гони́мым засту́пницы, ю́ным наста́вницы, всем же благосе́рдии и те́плии моли́твенницы, я́ко да моли́твами вашими соблюде́тся в Правосла́вии Свята́я Русь и непреста́нно сла́вится в ней ѿмя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.